

მისია

გურამ თავართქილაძის სახელობის თბილისის სასწავლო უნივერსიტეტის მისია ეფუძნება საქართველოსა და ევროპული უმაღლესი განათლების მიზნებს და ასახავს უნივერსიტეტის ძირითად დანიშნულებას და როლს საგანმანათლებლო სივრცეში.



გურამ თავართქილაძის სახელობის თბილისის სასწავლო უნივერსიტეტი თავის მისიად მიიჩნევს:

ავტორიტეტულ უმაღლეს საგანმანათლებლო დაწესებულებად დამკვიდრებას ქვეყანაში და მის ფარგლებს გარეთ;

სტუდენტის მომზადებას კონკურენტული შრომის ბაზრის გამოწვევებისა და 21-ე საუკუნის გლობალური საზოგადოების ღირსეული წევრობისათვის თანამედროვე მეცნიერულ, პედაგოგიურ, ტექნოლოგიურ მიღწევებზე დაფუძნებული ხარისხიანი ცოდნის გადაცემით სამართლის, ბიზნესის ადმინისტრირებისა და სოციალური მეცნიერებების მიმართულებით;

საუნივერსიტეტო-საგანმანათლებლო გარემოს იმგვარ განვითარებას, სადაც პროფესიონალთა გუნდი ორიენტირებულია ინდივიდუალურ ყურადღებაზე თითოეული სტუდენტისადმი, მისი პროფესიული, პიროვნული და მოქალაქეობრივი პოტენციალის თვითრეალიზაციისადმი;

საერთაშორისო საგანმანათლებლო და სამეცნიერო სივრცეში ანგარიშგასაწევი ადგილის მოპოვებისათვის ზრუნვას აკადემიური და სამეცნიერო თანამშრომლობის ხარისხის ამაღლებით და თანამშრომლობის ფორმების დივერსიფიკაციით;

სასწავლო, სამეცნიერო, ადამიანური და მატერიალურ რესურსების გადანაწილებას მთელი სიცოცხლის განმავლობაში სწავლისა და საზოგადოების განვითარების საქმეში წვლილის შეტანის მიზნებისათვის.

გთუნის მისია არის ფუნდამენტი, რასაც ეფუძნება ინსტიტუციური იდენტობა და უწყვეტობის უზრუნველყოფა. ამასთან, როგორც თვითკრიტიკული დაწესებულება, გთუნი პერიოდულად გაანალიზებს და საჭიროების შემთხვევაში დააზუსტებს მას.

გურამ თავართქილაძის სახელობის თბილისის სასწავლო უნივერსიტეტი აღიარებს ევროპულ საგანმანათლებლო სივრცეში საქართველოს ინტეგრაციის მნიშვნელობას და თავის საქმიანობას წარმართავს საქართველოს განათლებისა და მეცნიერების სამინისტროს მიერ შემუშავებული საგანმანათლებლო პოლიტიკის შესაბამისად, ავტონომიურობის უფლების დაცვით. გთუნი ითვალისწინებს ბოლონიის დიდი ქარტიითა (Magna Charta) და ლისაბონის კონვენციით გამოხატულ პრინციპებს, ამასთან, უპირველეს მნიშვნელობას ანიჭებს ეროვნული ინტერესების შესატყვისი საგანმანათლებლო საქმიანობის განხორციელებას.

როგორც პროგრესული უმაღლესი სასწავლო დაწესებულება, რომლის ინტელექტუალური საქმიანობა სოციალურად და მორალურად პასუხისმგებლიანია, გთუნი აშენებს ურთიერთობებს სხვა საგანმანათლებლო დაწესებულებებთან, ხელისუფლების სტრუქტურებთან, კერძო სექტორთან, რათა მოემსახუროს საზოგადოებას და გავლენა იქონიოს მასზე. ამდენად, გთუნი-ს მისიის განაცხადით აღწერილია თუ რას საქმიანობს, ვისთვის და ვისთან ერთად ეწევა ამ საქმიანობას და ფართო მიდგომით, როგორ ახორციელებს ამ საქმიანობას.

გთუნი მოწოდებულია მუდმივად გაანალიზოს მისია და საჭიროების შემთხვევაში განაახლოს ის, რათა უზრუნველყოს სასწავლო დაწესებულების შესაბამისობა სახელმწიფოს, საზოგადოების, შრომის ბაზრის ცვლად მოთხოვნებთან და თანამედროვე გამოწვევებთან.

**გთუნის ღირებულებები, მისწრაფებები და სახელმძღვანელო
პრინციპები**

გთუნის მისია მხარდაჭერილია უნივერსიტეტში აღიარებული ძირითადი ღირებულებებით, მისწრაფებებით და სახელმძღვანელო პრინციპებით.

ძირითადი ღირებულებები:

ჩვენ ვიცავთ ეროვნულ ინტერესებს;
პატივს ვცემთ ზოგადსაკაცობრიო იდეალებსა და ფასეულობებს;
ვაცნობიერებთ ვალდებულებებს დემოკრატიის წინაშე, ვგმობთ რასიზმს,
ქსენოფობიას და რელიგიურ შეუწყნარებლობას; ამ სულისკვეთებას
ვუზიარებთ და გადავცემთ სტუდენტებს;
ვიცავთ კანონის და დემოკრატიული პრინციპების უზენაესობას;
ვაფასებთ პროფესიონალიზმს, კეთილსინდისიერებას და
ანგარიშვალდებულებას;
ვსაქმიანობთ გამჭვირვალედ და სამართლიანად.

ჩვენი მისწრაფებებია:

გავზდეთ ფართოდ ცნობადი, მაღალი
რეპუტაციის, კონკურენტუნარიანი
საგანმანათლებლო დაწესებულება;

ვიქცეთ თანამედროვე მეცნიერულ
მიღწევებზე და პრაქტიკაზე
დაფუძნებული თეორიული ცოდნის
გადაცემით გამორჩეულ ერთ-ერთ
სანიმუშო დაწესებულებად;

მივაღწიოთ განათლების
ხელმისაწვდომობას და მის მაღალ
ხარისხს, ნაკარნახევს საზოგადოების
კანონზომიერი განვითარების
მოთხოვნებით.

ჩვენი სახელმძღვანელო პრინციპებია:

კოლეგიალობა, გაზიარებული ხედვები,
გუნდური მუშაობა;
სტუდენტთა და პროფესორ-
მასწავლებელთა ჩართულობა ღია და
შეუზღუდავ დისკუსიებში
თავისუფლებისა და თანასწორობის
საფუძველზე;

მაღალი ხარისხისადმი სწრაფვა
საუნივერსიტეტო საქმიანობის ყველა
ასპექტში და მდგრადი განვითარება;

საზოგადოების განვითარებაში
წვლილის შეტანა.

გლობალიზაციის თანამედროვე და დინამიკური პროცესების შედეგად ტრანსფორმირებულ საზოგადოებაში ცენტრალურ ადგილს იკავებს ცოდნა, როგორც რესურსი ნებისმიერი სახის პროდუქციის შესაქმნელად და კეთილდღეობის მისაღწევად. შესაბამისად, თანამედროვე საზოგადოებას ცოდნის საზოგადოებადაც მოიხსენებენ, რაც უნივერსიტეტების როლის და მნიშვნელობის ახალ გააზრებას მოითხოვს საზოგადოების ტრანსფორმაციასა და განვითარებაში შეტანილი წვლილის თვალსაზრისით.

გთუნი მაღალი სოციალური პასუხისმგებლობის უმაღლესი სასწავლო დაწესებულებათა და მიგვაჩნია, რომ არსებობის მანძილზე, გარკვეულ საგანმანათლებლო და სამეცნიერო მისიას ვასრულებთ და წვლილი შეგვაქვს საზოგადოების ტრანსფორმაციასა და განვითარებაში.

გთუნიმ დაგეგმა არა ერთი საქველმოქმედო აქცია და განახორციელა დონაცია სტუდენტთა დასახმარებლად, შეზღუდული შესაძლებლობების და მზრუნველობამოკლებული ბავშვებისათვის, სისხლის ბანკში; პოპულარიზაციას უწევს ცხოვრების ჯანსაღ სტილს და აქტიურად მონაწილეობს სხვადასხვა მასშტაბის სპორტულ ღონისძიებებში (უნივერსიადები, შეჯიბრები ქალაქის მერიის თასზე, მარათონი, ტურნირები და სხვა); გთუნიმ ისტორიული პიროვნებებისა და საზოგადო მოღვაწეების სახელების უკვდავსაყოფად ჩაატარა კონფერენციები, მონაწილეობა მიიღო საქართველოსთვის მნიშვნელოვანი თარიღების აღნიშვნის ღონისძიებებში.

**ამასთან, ვთვლით, რომ საზოგადოების განვითარებაში უფრო მნიშვნელოვანი როლი შეგვიძლია შევასრულოთ საკუთარი ადამიანური, ინტელექტუალური, ინფრასტრუქტურული და ფინანსური რესურსების გამოყენებით,
ეფექტიანი პროექტების/პროგრამების შემუშავებითა და განხორციელებით!**